

而不言其狀亮後知其詐而竟不能出兵子寔得此遂驕自子寔經度山至西夜子合德若焉

西夜國一名虜沙去洛陽萬四千四百里戶二千五百口萬餘勝兵三千人地生白草有毒國人煎以為

藥傳箭鏃所中即死漢書中誤云劉攽曰漢書中案漢書西夜子合是一國今各自有王前書云西夜國王號子合

子合國居呼鞞谷音九去疏勒千里領戶三百五十口四千勝兵千人

德若國領戶百餘口六百七十勝兵三百五十人東去長史居三千五百三十里去洛陽萬二千一百五

十里與子合相接其俗皆同自戊山西南經烏耗前書音義音翳擊又云烏音一加涉懸度歷屬賓六十

餘日行至烏弋山離國地方數千里時改名排持復西南馬行百餘日至條支

條支國城在山上周回四十餘里臨西海水曲環其南及東北三面路絕唯西北隅通陸道土地暑溼

出師子犀牛封牛孔雀大雀大雀其卵如瓊轉北而東復馬行六十餘日至安息後役屬條支為置大將

監領諸小城焉

安息國居和犢城去洛陽二萬五千里北與康居接南與烏弋山離接地方數千里小城數百戶口勝兵

最為殷盛其東界木鹿城號為小安息去洛陽二萬里章帝章和元年遣使獻師子符拔符拔形似麟而

乾隆四年校刊 後漢書卷二百八列傳



四

無角和帝永元九年都護班超遣甘英使大秦抵條支臨大海欲度而安息西界船人謂英曰海水廣大

往來者逢善風三月乃得度若遇惡風亦有一歲者故入海人皆齋三歲糧海中嘗使人思土戀慕數有

死亡者英聞之乃止十三年安息王滿屈復獻師子及條支大鳥時謂之安息雀自安息西行三千四百

里至阿蠻國從阿蠻西行三千六百里至斯賓國從斯賓南行度河又西南至于羅國九百六十里安息

西界極矣自此南乘海乃通大秦其土多海西珍奇異物焉

大秦國一名罽鞞以在海西亦云海西國地方數千里有四百餘城小國役屬者數十以石為城郭列置

郵亭皆墜墜之璽飾也音火既反郭有松柏諸木百草人俗力田作多種樹蠶桑皆髡頭而衣文繡乘輜

輶白蓋小車出入擊鼓建旌旗幟所居城邑周圍百餘里城中有五宮相去各十里宮室皆以水精為

柱食器亦然其王日游一宮聽事五日而後徧常使一人持囊隨王車人有言事者即以書投囊中王至

宮發省理其枉直各有官曹文書置三十六將皆會議國事其王無有常人皆簡立賢者國中災異及風

雨不時輒廢而更立受放者甘黜不怨其人民皆長太平正有類中國故謂之大秦土多金銀奇寶有夜

光璧明珠駭雞犀抱朴子曰通天犀有白理如綫者以盛米置羣珊瑚琥珀琉璃琅玕朱丹青碧刺金

縷繡織成金縷雜色綾作黃金塗火浣布又有細布或言水羊毳野蠶繭所作也合會諸香煎其汁以